



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§ 234. De manso medio traditio in villa Hasburgun in pago Nithega.

urn:nbn:de:hbz:466:1-36114

Ab anno 854 usque 877 regnante Hludouico et fratrum suorum unde isti sunt testes buno magenheri brunnuard helmric marcdag helmulf.

§. 233.

Tradidit uendil quicquid habuit in *fata* (M) in terris et siluis quernis testes uichman ecbert magenheri folcdag milo uualdrich benning uuulhard liuduuard liudman aldrich alder snelbern.

§. 234.

Tradidit uuido in uice *alfrici* pro anima *abbonis* in *hasburgun* (N) mansum medium testes ecbert bernhard agilmer thiadbern abbo.

§. 235.

dem villa in membranis nostris circa medium seculi XIV *Eyldagbessen*. De Boakiorum progenie in *Clientela Corbeiensi* pluribus exponemus.

De villa *Fata*. (M) *Fata* villa in nostro Registro non reperitur. Nescimus ergo, quinam uicus potissime designatus intelligatur. Interim confer supra §. 191, ubi villa quaedam *Vatu* reperitur in pago *Guddinge*. An una eademque sit villa, atque an *Wendil*, quae in *fata* aliquid tradidit, soror fuerit *Asaboga* et *Folcloga*, difficile est definire.

De villa *Hasburgun* in pago *Nithega*. (N) *Hasburgun* villa erat, testante nostro Registro, sita in pago *Nithega*. Hic olim situs erat ad fluium dictum *Neite*, qui in principatu Corbeiensi influit *Wiseram*. In tota autem regione illa nullus hodie uicus reperitur, eodem nomine insignitus. Quoniam ergo in loco *Hasburgun* villa olim existerit, inquirendum foret. Iam nobis in mentem uenit, fraternitatem S. Iacobi anno 1485 institutam esse in *Hadersberg*. Ex quo momento suspicamur, antiquissimum nomen eiusdem montis fuisse *Hasburgun*, atque *Hadersberg* tempore regum Francorum fuisse dictum *Hasburgun*. Nostra tamen aetate, ac iam pridem, nomen *Hadersberg*, aequae ac nomen *Hasburgun*, interiit, appellaturque locus a dicta fraternitate *Jacobberge*, situs in territorio Corbeiensium, magno incolarum et peregre uenientium accessu olim frequentatus ob miracula et beneficia caelestia, quae excipi posse eo in loco, crediderunt mortales. Cum itaque idem locus haud procul absit ab oppido *Beuerungen* ad *Wiseram*, in quo, testante §. 149, *Hadwy*, *Ecberti* ducis Saxoniae filia et ducis *Luidolfi* soror, quaedam donauit, *Alfricus*, qui pro anima *Abbonis* bona in *Hasburgun* tradidit, *Luidolfi* ducis consanguineus uidetur fuisse. Iam nostrum *Alfricum* pro *Alfrico* ipsius *Widekindi Magni* filio uenditare liberet, nisi chronologia repugnaret. Si enim secundum computationem nostram *Widekindus Magnus* thalami sociam duxit anno 761, sub caeli auras prodire poterunt *Wibertus* anno 762, *Alfricus* anno 763, *Obtrit* anno 764, et *Herimannus* anno 765, *Alfricus* ergo anno 870, quo bona in *Hasburgun* donauit, annos habuisset CXXXIII, quod cum credere non audeamus, nostrum *Alfricum* potius pro filio *Alfrici I*, ac nepote *Widekindi Magni*, reputamus. Quemadmodum hoc et nomen et ratio temporis postulare uidentur. Si enim *Alfricus I* anno aetatis XXIV uxorem duxit, anno 787 uxorem duxit, et *Alfricus II* natus esse potuit anno 788. Ita anno 870 annum circiter aetatis egisset LXXXII: Ita *Alfricus II* ex hereditate matris, quam *Eillogam* fuisse statuimus, sine dubio habuisset ea, quae ad uillam *Hasburgun* sita abbatiae nostrae largitus est. *Alfricus* autem primus in eadem regione plura bona possedit, testibus §. 142. et 146. Ex his enim apparet, eum in uilla desolata *Valhusen*, et uico *Orbergen*, ad *Neitam* sito, quaedam donasse. Vnde suspicari licet, *Alfricum* eiusdemque fratrem *Obtrit* alia bona hereditaria in regione eadem habuisse. Cum uero *Obtrit* in pago *Pathergo* uilla *Harun* quoque bona quaedam possedit, testante §. 56, atque *Eillog*, testante §. 99, in pago *Pathergo* in uilla *Wamuri*, et *Tetta* eius filia (§. 172) in *Wiriesen* ad *Wiseram* in pago *Auga* sita tenuit bona, eandem *Tettam* fuisse *Alfrici I* filiam, uidetur uerisimile. *Alfricum* autem stemmati *Widikindeo* inferendum esse, negare non licet, siquidem eius frater in pago *Pathergo* praedia quae-